

Hundatrygging

Vátryggingarsamningurinn

Um vátryggingu þessa gildir það sem fram kemur í:

- Vátryggingarskírteini
- Vátryggingarskilmálum, þ.e.:
 - hugsanlegum sérskilmálum, sem koma fram í vátryggingarskírteini
 - skilmálum þessum
- Lögum nr. 30/2004 um vátryggingarsamninga.

Vátryggingarskírteinið hefur að geyma nánari ákvæði vátryggingarsamningsins sem ekki koma fram í skilmálum þessum. Sérskilmálar í vátryggingarskírteini útvíkka, takmarka eða afmarka nánar gildissvið vátryggingarinnar umfram það sem kemur fram í skilmálum þessum. Að öðru leyti en fram kann að koma í sérskilmálum gilda ákvæði skilmála þessara um vátrygginguna.

Í tilvikum þar sem ákvæðum um sama efni ber ekki saman gilda ákvæði í vátryggingarskírteini og endurnýjunarkvittun framar ákvæðum vátryggingarskilmála og sérskilmálar ganga framar almennum skilmálum, þó þannig að sértækar reglur ganga ávallt framar almennum. Ákvæði í vátryggingarskírteini, endurnýjunarkvittun og skilmálum ganga framar frávikjanlegum lagaákvæðum.

Efnisyfirlit

Sameiginlegir skilmálar 3

1.gr.	Vátryggjandi	3
2.gr.	Hvað er vátryggt?	3
3.gr.	Hver er vátryggður?	3
4.gr.	Hvar gildir vátryggingin?	3
5.gr.	Vátryggingarsvið	3
6.gr.	Gildistími – endurnýjun - réttur til uppsagnar	3
7.gr.	Iðgjaldið - gjalddagi - vanskil - uppgjör við slit samnings á vátryggingartímabilinu	4
8.gr.	Vátryggingarfjárhæðir - eigin áhætta -verðbreytingar	4
9.gr.	Brot á upplýsingaskyldu - svik og rangar upplýsingar	4
10.gr.	Vátryggður veldur vátryggingaratburði	5
11.gr.	Brot á varúðarreglum	5
12.gr.	Háttsemi annarra einstaklinga en vátryggðs - reglur um samsömun	5
13.gr.	Varúðarreglur	5
14.gr.	Frestur til að tilkynna um tjón - fyrning	5
15.gr.	Ágreiningur	5
16.gr.	Varnarþing	5

Sjúkrakostnaðartrygging fyrir hunda 6

1.gr.	Hvaða hunda er hægt að vátryggja?	6
2.gr.	Gegn hverju er vátryggt?	6
3.gr.	Vátryggingin greiðir kostnað vegna:	6
4.gr.	Hver skal taka hundinn til meðferðar?	6
5.gr.	Greiðsla sjúkrakostnaðar úr vátryggingunni	6
6.gr.	Eigin áhætta	6
7.gr.	Vátryggingin tekur ekki til kostnaðar vegna:	6
8.gr.	Hámarksbætur	7

Líftrygging fyrir hunda 7

1.gr.	Hvaða hunda er hægt að vátryggja?	7
2.gr.	Vátryggingarfjárhæðin	7
3.gr.	Greiðsla bóta	7
4.gr.	Undanskildar áhættur	7
5.gr.	Vátryggingarverðmæti	7
6.gr.	Lok vátryggingar	7
7.gr.	Tilkynning um dauða líftryggðs hunds	7

Sameiginlegir skilmálar

1.gr. Vátryggjandi

Sjóvá-Almennar tryggingar hf. er vátryggjandi, hér eftir nefnt félagið í skilmálum þessum.

2.gr. Hvað er vátryggt?

Vátrygging tekur til þess hunds eða þeirra hunda sem tilgreindir eru í vátryggingarskírteininu.

3.gr. Hver er vátryggður?

Vátryggingin er til hagsbóta fyrir vátryggingartaka (eiganda hins vátryggða). Vátryggingin er ekki til hagsbóta fyrir aðra aðila svo sem veðhafa eða nýjan eiganda hins vátryggða. Vátryggingin fellur brott við eigendaskipti að hinu vátryggða, sbr. þó 40. gr. laga nr. 30/2004.

4.gr. Hvar gildir vátryggingin?

Vátryggingin gildir á Íslandi.

5.gr. Vátryggingarsvið

Vátryggingasamningurinn getur innihaldið aðra eða báðar þessara vátrygginga. Vátryggingar í gildi eru skráðar á vátryggingarskírteinið.

- Sjúkrakostnaðartrygging
- Líftrygging

6.gr. Gildistími – endurnýjun - réttur til uppsagnar

Gildistími

Sé ekki annað ákveðið í lögum eða samningi tekur vátryggingin gildi á þeim degi, sem samningur um vátrygginguna er gerður, það er þegar félagið eða vátryggingartaki hefur samþykkt tilboð hins. Vátryggingin gildir fyrir það tímabil sem tilgreint er í vátryggingarskírteini eða iðgjaldskvittun.

Endurnýjun og uppsögn

Vátrygging sem gildir í eitt ár eða lengur, er endurnýjuð fyrir eitt ár í senn, nema vátryggingartaki hafi tilkynnt félaginu um að hann vilji segja vátryggingarsamningnum upp. Tilkynning þarf að berast félaginu innan eins mánaðar frá því að félagið sendi tilkynningu um gjalddaga hins nýja tímabils.

Vátryggingin endurnýjast þó ekki og fellur niður án uppsagnar við lok þess vátryggingarárs þegar hundurinn verður 10 ára.

Ef félagið hyggst ekki framlengja vátrygginguna skal tilkynna vátryggingartaka það í síðasta lagi tveimur mánuðum áður en vátryggingartímabilið er á enda. Félagið getur gert breytingar á vátryggingaskilmálum og iðgjaldi vátryggingarinnar. Slíkar breytingar taka gildi frá næstu endurnýjun vátryggingarinnar eftir að tilkynning um þær er send.

Réttur til uppsagnar á vátryggingartímanum

Félagið getur sagt upp vátryggingunni:

1. ef gefnar hafa verið rangar eða ófullnægjandi upplýsingar um áhættuna, með 14 daga fyrirvara, sbr. 21. og 15. gr. laga nr. 30/2004;
2. ef vátryggingartaki hefur viðhaft svíksamlega háttsemi við upplýsingagjöf til félagsins um áhættuna, án fyrirvara, sbr. 21. og 15. gr. laga nr. 30/2004;
3. ef vátryggður veitir af ásetningi rangar eða ófullnægjandi upplýsingar við uppgjör vátryggingarbóta, með viku fyrirvara, sbr. 47. gr. og 15. gr. laga nr. 30/2004.
Auk þess getur félagið í slíkum tilvikum sagt upp öllum vátryggingarsamningum sínum við vátryggðan;
4. eftir að tjón hefur orðið, ef
 - a. vátryggður hefur valdið tjóninu af ásetningi;

- b. váttryggður hefur brotið gegn varúðarreglum;
- c. fjöldi tjóna á skömmum tíma er meiri en eðlilegt telst, t.d. 3 tjón á 12 mánuðum.
Uppsagnarfrestur í slíkum tilvikum er tveir mánuðir, sbr. 1. og 2. mgr. 15. gr. laga nr. 30/2004;
5. ef notkun hins váttryggða eða starfsemi váttryggðs breytist á váttryggingartímanum á þann hátt að:
 - a. félagið hefði ekki tekið að sér váttrygginguna ef hinar nýju aðstæður hefðu legið fyrir við töku váttryggingarinnar;
 - b. það hefur áhrif á möguleika félagsins til að endurtryggja áhættuna.
Uppsagnarfrestur í slíkum tilvikum er tveir mánuðir, sbr. 1. og 2. mgr. 15. gr. laga nr. 30/2004;
6. við ítrekaðar vanefndir á greiðslu iðgjalds. Uppsagnarfrestur í slíkum tilvikum er tveir mánuðir, sbr. 1. og 2. mgr. 15. gr. laga nr. 30/2004.
Váttryggingartaki getur sagt váttryggingunni upp á váttryggingartímanum ef hann hefur ekki lengur þörf fyrir váttrygginguna eða fyrir hendi eru aðrar sérstakar ástæður sem réttlæta uppsögn, sbr. 2. mgr. 14. gr. laga nr. 30/2004.

7.gr. Iðgjaldið - gjalddagi - vanskil - uppgjör við slit samnings á váttryggingartímabilinu

Váttryggingartaki skal greiða iðgjald til félagsins. Fyrsta iðgjaldið fellur í gjalddaga þann dag sem váttryggingin tekur gildi. Síðari iðgjöld falla í gjalddaga á fyrsta degi hvers endurnýjunartímabils. Greiðslufrestur skal vera einn mánuður hið skemmsta frá þeim degi sem félagið sendi tilkynningu um greiðslu.

Krafa um greiðslu iðgjalds verður send váttryggingartaka á það heimilisfang, sem hann hefur tilkynnt félaginu. Sending tilkynningar eða greiðsluseðils jafngildir kröfu um greiðslu.

Breytingar á heimilisfangi skal tilkynna félaginu þegar í stað.

Sé iðgjald ógreitt þegar greiðslufresti lýkur, getur félagið sent nýja tilkynningu þar sem greiðslu er krafist innan 14 daga. Sé iðgjald ekki greitt innan 14 daga frá dagsetningu þeirrar tilkynningar fellur váttryggingin þegar úr gildi, sbr. 33. gr. laga nr. 30/2004.

Þegar váttryggingarsamningi, sem gilda skal í eitt ár eða lengri tíma, er slitið á váttryggingartímabilinu, á félagið rétt á hlutfallslegu iðgjaldi miðað við þann tíma sem váttryggingin var í gildi.

8.gr. Váttryggingarfjárhæðir - eigin áhætta -verðbreytingar

Váttryggingarfjárhæðir þær og fjárhæðir eigin áhættu sem fram koma í skilmálum þessum fylgja þróun verðlags í landinu og miðast við vísitölu framfærslukostnaðar þegar hún er 165 stig. Fjárhæðir þessar breytast því í samræmi við breytingar á nefndri vísitölu.

Tjón bætast þannig í samræmi við þá váttryggingarfjárhæð sem í gildi er á tjónsdegi. Hið sama gildir um eigin áhættu. Sömuleiðis breytist iðgjald í samræmi við váttryggingarfjárhæðina eins og hún er á endurnýjunardegi váttryggingarinnar.

Um vexti af bótafjárhæðum fer samkvæmt 50. gr. laga nr. 30/2004.

9.gr. Brot á upplýsingaskyldu - svik og rangar upplýsingar

Upplýsingar um áhættuna

Hafi váttryggingartaki eða váttryggður sviksamlega vanrækt upplýsingaskyldu sína um atvik sem haft geta þýðingu fyrir mat félagsins á áhættu og váttryggingaratburður orðið ber félagið ekki ábyrgð, sbr. 1. mgr. 20. gr. laga nr. 30/2004.

Hafi váttryggingartaki eða váttryggður með öðrum hætti vanrækt upplýsingaskyldu sína í þeim mæli að ekki telst óverulegt fellur ábyrgð félagsins niður í heild eða að hluta, sbr. 2. mgr. 20. gr. laga nr. 30/2004.

Upplýsingar við uppgjör bóta

Ef váttryggður veitir af ásetningi rangar eða ófullnægjandi upplýsingar við uppgjör bóta fellur niður allur réttur hans samkvæmt þessum og öðrum váttryggingarsamningum vegna hins tiltekna váttryggingaratburðar, sbr. 2.

mgr. 47. gr. laga nr. 30/2004. Í slíkum tilvikum getur félagið sagt upp öllum vátryggingarsamningum sínum við vátryggðan með einnar viku fyrirvara.

10.gr. Vátryggður veldur vátryggingaratburði

Ásetningur

Hafi vátryggður hefur af ásetningi valdið því að vátryggingaratburður varð ber félagið ekki ábyrgð, sbr. 1. mgr. 27. gr. laga nr. 30/2004.

Stórkostlegt gáleysi

Hafi vátryggður valdið því af stórkostlegu gáleysi að vátryggingaratburður varð eða afleiðingar hans urðu meiri en ella hefði orðið má lækka eða fella niður ábyrgð félagsins, sbr. 2. mgr. 27. gr. laga nr. 30/2004.

11.gr. Brot á varúðarreglum

Varúðarreglur eru háttemisreglur sem settar eru í því skyni að koma í veg fyrir og takmarka tjón. Það er forsenda fyrir greiðslu bóta úr vátryggingunni að settum varúðarreglum sé ávallt fylgt.

Hafi vátryggður vanrækt að hlíta varúðarreglum eða öðrum fyrirmælum í vátryggingarsamningi má fella ábyrgð félagsins niður í heild eða að hluta, sbr. 26. gr. laga nr. 30/2004.

12.gr. Háttsemi annarra einstaklinga en vátryggðs - reglur um samsömun

Ákvæði sem kveða á um að réttur vátryggðs til bóta skerðist eða falli niður vegna athafna eða athafnaleysis vátryggðs, eiga einnig við um bótarétt vátryggðs vegna samsvarandi háttsemi manns sem með samþykki vátryggðs er ábyrgur fyrir hestinum, sbr. a. liður 2. mgr. 29. gr. laga nr. 30/2004.

13.gr. Varúðarreglur

Ef hundurinn meiðist eða sýkist er skylt að fá dýralækni til að skoða hann.

14.gr. Frestur til að tilkynna um tjón - fyrning

Vátryggður glatar rétti til bóta ef:

1. hann tilkynnir félaginu ekki um kröfu sína innan árs frá því að hann vissi um atvik sem hún er reist á;
 2. hann hefur ekki höfðað mál eða krafist meðferðar málsins fyrir úrskurðarnefnd í vátryggingamálum innan árs frá því að hann fékk skriflega tilkynningu um að kröfu hans væri hafnað, sbr. 51. gr. laga nr. 30/2004.
- Krafa vátryggðs um bætur getur fyrnst samkvæmt reglum 52. gr. laga nr. 30/2004.

15.gr. Ágreiningur

Verði ágreiningur um vátrygginguna skal íslenskur dómstóll skera úr honum samkvæmt íslenskum lögum, nema annað leiði af þjóðréttarsamningi sem Ísland er bundið af.

Úrskurðarnefnd í vátryggingamálum sker úr ágreiningi um bótaskyldu, sök og sakarskiptingu auk ágreinings um atriði, er varða ákvæði laga nr. 30/2004 um vátryggingarsamninga.

Úrskurðarnefnd í vátryggingamálum er vistuð er hjá Fjármálaeftirlitinu og má nálgast upplýsingar og málskotseyðublað vegna nefndarinnar á vefsíðunum www.fme.is og www.sjova.is, auk fyllri upplýsinga um starfssvið og starfsháttu hennar.

Málsmeðferð fyrir úrskurðarnefnd í vátryggingamálum skerðir ekki rétt málskotsaðila til þess að leggja málið fyrir almenna dómstóla.

16.gr. Varnarþing

Varnarþing félagsins er í Reykjavík. Mál sem kunna að rísa á hendur félaginu út af vátryggingu þessari, skulu rekin fyrir Héraðsdómi Reykjavíkur.

Sjúkrakostnaðartrygging fyrir hunda

1.gr. Hvaða hunda er hægt að vátryggja?

Vátrygging þessi vátryggir alla heilbrigða hunda sem eru orðnir þriggja mánaða en ekki orðnir fimm ára. Hundurinn verður að hafa verið bólusetur gegn smáveirusótt (parvo). Auk þess skal bólusetja hundinn gegn öðrum sjúkdómum ef yfirdýralæknir krefst þess. Bólusetja ber hundinn árlega gegn ofangreindum sjúkdómi.

2.gr. Gegn hverju er vátryggt?

Útgjöldum til dýralæknis vegna sjúkdóms eða meiðsla sem hundurinn verður fyrir.

3.gr. Vátryggingin greiðir kostnað vegna:

Rannsóknar og meðferðar í tengslum við sjúkdóma eða meiðsl, en til þessa telst kostnaður við:

- 3.1 Sjálfa rannsóknina og meðferðina.
- 3.2 Tannviðgerðir vegna meiðsla.
- 3.3 Nauðsynlegar röntgenmyndir, hjartalínurit, rannsóknir á (vefjar) sýnum á rannsóknarstofu m.a. (vefjar) sýnum í tengslum við ofnæmisrannsókn og/eða meðferð – en þó aldrei hærri fjárhæð en samtals kr. 13.000 á hverju vátryggingarári, vísitölutryggt.
- 3.4 Þau lyf sem dýralæknir eða dýraspítali gefa hundinum við skoðun eða meðferð.

4.gr. Hver skal taka hundinn til meðferðar?

Dýralæknir eða dýraspítali þar sem starfar dýralæknir sem er félagi í Dýralæknafélagi Íslands.

5.gr. Greiðsla sjúkrakostnaðar úr vátryggingunni

Sundurliðaða reikninga dýralæknis eða dýraspítala skal senda til félagsins þegar meðferð er lokið. Dýralæknir skal ávallt rita tegund, svo og ættarþákarnafn og –númer, húðflúrnúmer eða kísilflögunúmer (ef slíkt er fyrir hendi) á reikninginn. Reikningar, sem berast félaginu tveimur árum eftir að þeir voru gefnir út eða síðar, verða ekki greiddir.

6.gr. Eigin áhætta

Eigin áhætta á hverju meðferðartímabili vegna sama tilviks (þó lengst 60 daga) er fjárhæð sú sem tilgreind er á vátryggingarskírteininu. Fjárhæð þessi er vísitölubundin.

7.gr. Vátryggingin tekur ekki til kostnaðar vegna:

- 7.1 Meðferðar vegna meiðsla eða sjúkdóms sem hefur komið upp áður en vátryggingin gekk í gildi, svo og sjúkdóma sem koma upp innan 30 daga frá því að vátryggingin gengur í gildi, þ.m.t. meðfæddir og arfgengir kvillar eða sjúkdómar.
- 7.2 Rannsóknar eða meðferðar í forvarnarskyni. Geldingar/ófrjósemisaðgerðar ef ekki er talin læknisfræðileg þörf fyrir slíkt (sálrænir kvillar, svo sem árásargirni, teljast ekki til læknisfræðilegrar þarfar). Röntgenmyndartöku og hugsanlegrar meðferðar vegna afbrigðilegs vaxtar í mjaðmarliðum (mjaðmarloss) og afleiddra sjúkdóma. Tannviðgerða annarra en vegna meiðsla. Meðferðar vegna tannholdsbólgu. Hvers konar aðstoðar við fæðingu, þ.m.t. keisaraskurður.
- 7.3 Fegrunaraðgerða.
- 7.4 Baða í lækningaskyni, þ.m.t. baða vegna óværu og annarrar meðferðar gegn lús, fló og öðrum útsníklum og afleiddum kvillum.
- 7.5 Vottorða og lyfseðla dýralækna.
- 7.6 Útgjalda vegna innlagnar umfram kr. 2.000 fyrir hvern sólarhring og lengst í 8 sólarhringa. Fjárhæð þessi er vísitölubundin.

- 7.7 Aukaútgjalda vegna dýralæknisvitjunar að kvöldi, nóttu eða á helgidegi – nema vegna meiðsla eða sjúkdóms sem hafa orðið á slíkum tíma eða rétt fyrir slíkan tíma.
- 7.8 Flutningskostnaðar í tengslum við læknisvitjun og/eða innlögn.

8.gr. Hámarksbætur

Hámarksbætur á hverju vátryggingarári eru samtals kr. 75.000, vísitölubundið.

Líftrygging fyrir hunda

1.gr. Hvaða hunda er hægt að vátryggja?

Líftryggingu er hægt að kaupa fyrir heilbrigða hunda sem færðir eru í ættbók Hundaræktarfélags Íslands eða annars skráningaraðila sem félagið viðurkennir. Hundar yngri en þriggja mánaða og eldri en fimm ára verða ekki líftryggðir. Hundurinn verður að hafa verið bólusetur gegn smáveirusótt (parvo). Auk þess skal bólusetja hundinn gegn öðrum sjúkdómum ef yfirdýralæknir krefst þess. Bólusetja ber hundinn árlega gegn ofangreindum sjúkdómum.

2.gr. Vátryggingarfjárhæðin

Vátryggingarfjárhæðin lækkar um 20% frá og með því vátryggingarári þegar líftryggður hundur verður 7 ára. Lækkun þessi leiðir ekki til lækkunar iðgjalds.

3.gr. Greiðsla bóta

Vátryggingarfjárhæðin er greidd þegar líftryggður hundur deyr af völdum sjúkdóms eða meiðsla eða aflífa verður hann af þessum orsökum samkvæmt úrskurði dýralæknis.

4.gr. Undanskildar áhættur

Vátryggingin greiðir ekki komi til aflífunar vegna:

- 4.1 Árásargirni.
- 4.2 Afbrigðilegs vaxtar í mjaðmaliðum (mjaðmaloss).
- 4.3 Viðurkenndra arfgengra sjúkdóma.
- 4.4 Boðs yfirvalda eða annarra sambærilegra ráðstafana.

Engar bætur eru heldur greiddar ef hundi er stolið eða hann strýkur.

5.gr. Vátryggingarverðmæti

Jafnvel þótt hundur sé líftryggður fyrir hærri fjárhæð en raunverulegt verðmæti hans er eru bætur aldrei hærri en sem nemur raunverulegu verðmæti.

6.gr. Lok vátryggingar

Ef ekki hefur verið samið um annað fellur vátryggingin úr gildi án uppsagnar við lok þess vátryggingarárs þegar hundurinn verður 10 ára.

7.gr. Tilkynning um dauða líftryggðs hunds

Við tilkynningu um dauða líftryggðs hunds skal senda félaginu ættbókarvottorð hans. Jafnframt skal fylgja vottorð dýralæknis þess efnis að hundurinn sé dauður. Ættbókarvottorð er endursent til vátryggingartaka.

Skilmálar þessir gilda frá 1. janúar 2006 og koma í stað skilmála þeirra sem giltu frá 1. júní 1993

[Efst á skjal](#)